

## JEREMIJ JÕ KÀHHÔC

*Jeremij pê Pahpãm jarkwa to ihcakôc catê  
Jeremij 1.15-16; 20.1-6*

Ne Ixaj tyc jirô pê mã, hacyỹ ma mã Juta catêjênee hipêr me Pahpãm par nare. Cwÿrjapê pê Pahpãm hipêr me cumã harkwa to mehcakôc catêjê atajê kujate, pê me cumã, por quê ha Pahpãm te ampo kên to jũ mã me to ata cawpa. Pê Pahpãm me cumã ihcakôc catêjê atajê nõ japyr te Jeremij ita me hÿrmã kujate, pê Krÿpinkrên kam ihkrÿ.

Mã Pahpãm te cumã harkwa hyr, mã ma Pahpãm to me amji kam hapac xà jÿrkwa wÿr mō. Ne harkwa nã cute me hàhtôa mã harkwa to:

“Me ikampa! Cōjkwa jō Pahpãm pê Ixaher catêjê Pãm Cati ame amã amji cawpa to:

‘Wa ha, por ite me akên xà to me amã icakôc ata  
tokrÿ ita to apu ihkên,  
ne cahi na krÿ atajê to kên.  
Ampo na?  
Ca nee ate me iparnare kam,  
wa ha me ato hane’ ” hajÿr.

Ne pê Jeremij amehcunea mã Pahpãm cawpa to hajÿr to incirre nare.

Mã Pahpãm to me amji kam hapac xà jÿrkwa jamãr catê ata japyr te Paxur, ne cute Jeremij

jarkwa na impar, ne ma apu ihcakôc xàata na impar caca. Na ricute haxàr ne ame caprêprêc, ne me huwapre. Mãhuwapre ita na me hacjên xà kam, cute amji to apê.

Mã amcro nã na Paxur te Jeremij mã hikran, mã cute cumã harkwa to:

— Wa ha Pahpãm jarkwa kôt me amã ijũjarên xà ita to awjarê, ne amã:

“Paxur, wa ha jũ mã me ato,  
ca ha me akwỳ mea mã,  
me amã paa to me amãpa.

Ne ca ha atỳj me acurê xwỳn jõ wapo xwahhihti  
te me acuran na mehõmpu.

Ampo na?

He wa ha ma Papirõn jõ pjê jõ pahhi mã Juta jõ  
pjêhimpej xà ita gõ.

Quê ha ma me ato mõ ne me gacjê,  
ne me gãhtôa ne megipej.

Ne cama me ana me acurê xwỳn jamã,  
quê ha Krĩpinkrên pê mehakràj cunea to cuto tu.

Quê ha ma wakỳre prà tepti me,  
wakỳre prà jakati me,  
kên pràti itajê cunea to me cuto tu,  
Papirõn jõ pjê wỳr.

“Ne ca, Paxur, quê ha me akra mea mã me ato  
mõ,  
ca ha gũrkwa me gõ pjê pêampỳa mã ty,  
Papirõn jõ pjê kam” hane —

hajỳr xà ata na, tahnaa cute hajỳr.

## 36

*Pê Pahhi Joquĩ Jeremij jô kàhhôc kam Pahpãm jarkwa to capa*

*Jeremij 36.1-31*

Pê Joxij pê pahhi pejti ata ty, pê ihkra japrÿ te Joquĩ ata pê pahhi, Juta jô pjê kam. Ne cupê hũmre kêanre, ne cute Pahpãm jarkwa to ihcakôc catê pê Jeremij ita pro prãmte, apu hahêr to ipa. Mã Pahpãm te Jeremij mã ihcakôc ne cumã:

— Ca ha ihkàhhôc nō py, ne kam ite Ixaher catêjê na icakôc xà itajêcunea na ihhôc. Ca ha mam ite Joxij pê pahhi mã, ite ampo jarên xà atarũm ahna to apy, ne curmã ite ampo jarên itajê mea mã, ahna ihhôc. Quê ha Juta catêjê te icuna mã mehkên ton xà atajê jahpan xà na, ite me to kên xà atajê, wa ha me cumã ihcunea cawpa. Quê ha ihhêaj to mehkên itajê jicu, ne iwÿr me apkjê, ne me hõ pry kên ita jicu, wa ha mehkên ita to impej, ne to ijapac kêt — hajÿr.

Mã Jeremij te ihkàhhôc kam ihhôc catê japrÿ te Paruc na hàhwÿr. Ne cute cumã Pahpãm te harkwa cunea na ihhôc xà jarên atajê jarênpartu. Mã Paruc te ahna ihhôc partu, ne cute me hipêj.

Mã Jeremij te Paruc mã amji jarên to:

— Wa ha ita ri, ipimxur xà kam ahtwÿ. Quêha jũ caxuw, amcro nō na, Pahpãm to me amji kam hapac xà jũrkwa kam me amji kĩn nō to, ca ha mecumã ihkàhhôc ita cahyt. Ampo na? Quê ha amcro ata na Jutacatêjê cunea curi me cuprôn tu — hajÿr.

Mã amji kîn nõ na Pahpãm tome amji kam hapac xà jũrkwa kam, cute me cuprõn. Mã Paruc te Jeremij teampo na mën xà atajê cunea ton. Ne cute me cumã Pahpãm te harkwakujuhêc xà itajê cunea cahyt partu, Pahpãm tome amji kam hapac xà jũrkwa kam.

Jirô pê mã ri me hàhtôti atajê jõ pahhi catêjê kwý, mã ampeaj kamme hũpar xà ata cupaa to hũpa. Mã cute me Paruc mã:

— Wa ha itýj pahhi Joquĩ mã me awjarê. Ne me imã amji jarê, jũ mã mãate, ne ajte gãpar xà ita to gãpar? — hajýr.

Mã Paruc me cumã:

— Pahpãm jarkwa to ihcakôc catê pê Jeremij ata te riimã ita jarên, wa iteahna ihhóc par — hane.

Mã me hàhtôti atajê jõ pahhi te Paruc mã:

— Mër Jeremij ita me amxu, ne nee jũm mã jũ kam me amõr na me amjijarên nare — hajýr. Ne me hõ pahhi itajê te jũ ri me Pahpãm jarkwaita to ipimxur, ne ma pahhi Joquĩ mã me hũjarên to me mõi, ne cute mecumã ihkàhhóc ita jarên.

Mã ma pahhi Joquĩ te Pahpãm jõ kàhhóc itawýr jũm ita kujahêc, quê cumã cupy. Mã ma hýrmã tê, ne cute cumã cator ne ipyrne hýrmã to cator, por curi pahhi me, me cumã me hàpên catêjê mehkrĩ ata wýr. Pê ampeaj kam me cumã kry, pê cuhy na mehkrĩ. Mã jũm ita te mecumã Pahpãm jõ kàhhóc ita hô to incrê ne cahyt. Mã pahhi te waporeto hakep, ne cuhy kam haxwýr. Ne cute to hajýr to mõi ita kam, ihcunea to caxàr par. Mã pahhi Joquĩ mã hàpên catêjêitajê mã nee cute Pahpãm jarkwa to caxàr xà ata na hũpa

nare, ne neepahhi te ampo kên ton xà ata na kam mencryc nare.

Mã Pahpãm te hipêr Jeremij mã harkwa nõ ata jarên ne cumã:

— Wa ha apu pahhi ita me, mehkra mea mã, ame to kêanre ne, pom ite mehkên to me cumã icakôc xà ata to, wa ha ame to kên, pahhi me, mehkwy me, cute me ipar nare na, wa ha ame to kêanre ne — hajÿr. Hamre.

## 39

*Pê Juta catêjê mehkên to me amji cator;  
Papirôn jô pjê wÿr  
Jeremij 39.1-10*

Ne caku te jũ mãn jirô pê mã ri, Papirôn jô pjê jô pahhi japyr te Napucita, ma Juta jô pjê kam Krîpinkrên wÿr hõkrãhtare to me mõi. Ne cute me ahna krîkrã, ne me kam ihtêm ne ame ajpu.

Mã Juta catêjê jô pahhi japyr te Xetequij ita te nee hõ krãhtareto mehcapên nare na, ramã amji cajpêr. Na ri me curê xwÿn te me hÿrmãkrî pu na kwÿc ata cahhêc xà ata kam ri ma caxwa ri me curê xwÿn cupate mehcahkũm.

Mã ahkêt wÿr, Papirôn jô pjêjô krãhtare ma amehkôt me pra, ne cute me pahhiXetequij pro, ne ma Papirôn jô pjê jô pahhi wÿr meto mõi. Mã pea pahhi itate Xetequij kra cunea jipej na me mên, hũm kam mare mã. Mã cute me hipej tu, mã cormã Xetequij to impeaj ne ihtÿj cute mehkra jipej xà na mehõmpun. Jirô pê mã ri cute me Xetequij to tũmprãmte, into ihkrÿn na me mên. Mã wakÿre to cute mehuwapre, ne

mento ihkrÿn, ne me to amji mã me cumã hàpên catê, mã Papirõn jõ pjê kam me cumã ampo pytĩa to hàpên to ipa.

Mã Papirõn jõ krãhtare te Krĩpinkrên to caxàr partu. Ne cute me pahhi jũrkwa catia ata me, Pahpãm to me amji kam hapac xà jũrkwa ata to me caxàr. Ne cute krĩ me, intête kwÿc ata cuneahur partu. Mã krãhtare jõ pahhi te me cupê Jutacatêjê cunea to cuto tu na memên. Mã ajmãr cute mehcunea to cuto tu, Papirõn jõ pjê wÿr, cama cute me cumã me hàpên xà caxuw. Ne cute me cupê hamreare atajê topit mã tojnõ na me cumã hũjahkre, mãr quê me ahtwÿ ne pur to me apê.

Hõhõ, Pahpãm te mehkwy to kên xà ita to ri cute ame to kên. Ampo na? Nee amempar nare.

**PAHPÃM JARKWA CUPAHTI JÕ KÀHHÔC**  
**Canela: PAHPÃM JARKWA CUPAHTI JÕ KÀHHÔC**  
**(Portions)**

copyright © 2012 Wycliffe Bible Translators, Inc.

Language: (Canela)

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 1 Oct 2024 from source files  
dated 29 Jan 2022

09d4e460-c38b-52b7-81c1-8300bfeb466a